

# КОМИ РЕСПУБЛИКАСА КОМИ КЫВ КОМИССИЯЛӨН

2011 вося рака төлысь 29 лун

3 №-а

## СЁРНИГИЖӨД

**Волісны:** Марков В.П., Козулина С.Г., Цыпанов Е.А., Безносикова Л.М., Исакова О.Л., Карманова А.Н., Коснырева Е.Г., Макарова Н.Д., Попова Н.А., Федина М.С.

### Видлалісны да сёгласуйтісны:

1. Коми Республикаса Оланподувлысь 11-20 статьяяс.

#### 11 статья

Коми Республикалысь социальнөй да экономическөй политика веськөдöма сы вылө, медым тыр-бура оліс да ас вöляысь сөвмис быд морт.

#### 12 статья

Коми Республикаын өтмоза дорйöны аспом, каналан, муниципальнөй да мукөд сикас эмбур.

#### 13 статья

Муөн, ваён, вөрөн да ывлавывса мукөд сикас озырлунөн Коми Республикаын вөдитчöны да найöс видзöны кызди республика мутасса войтырлысь олан да уджалан подув.

Россия Федерацияса да Коми Республикаса оланпасьясөн индём пöрадок да корöмьяс төд вылын кутöмөн, му да ывлавывса мукөд сикас озырлун вермас лоны аспом, каналан, муниципальнөй да мукөд сикас эмбурөн.

#### 14 статья

Оланподувлөн тайö юрпасса шуöмьясыс лоöны Коми Республикаса оланподув тэчаслы мыджөдөн, найöс позьö вежлавны сöмын тайö Оланподулөн урчитём ногөн.

Тайö Оланподувлөн некутшöм мукөд шуöм оз вермы мунны паныд Коми Республикаса оланподув тэчас мыджөдьяслы.

## **2 юрпас. МОРТЛӨН ДА ГРАЖДАНИНЛӨН МЕДШӨР ИНӨДЬЯС, ВӨЛЯ ДА МОГЬЯС**

### **15 статья**

Коми Республикаын мортлысь да гражданинлысь инөдьяс да вөля дорйоны войтыркостса инөдлөн ставөн вынсьөдөм принципьяс да нормаяс серти, Россия Федерацияса Оланподув серти, найөс сідзжө вынсьөдөма тайө Оланподулөн.

Мортлөн медшөр инөдьяс да вөля сыысь торйөдны позьтөмөсь, найө быдөнлөн эмөсь чужөмсянныс.

Инөдьяс да вөля олөмө пөртигөн мортлы да гражданинлы оз позь торкны мукөдлысь инөдьяссө да вөлясө, сэк жө тайө оз мезды мортөс ассьыс могьяссө олөмө пөртөмысь.

### **16 статья**

Мортлөн да гражданинлөн инөдьяс да вөля пыр вынаөсь. На серти (подулын) лөсьөдөны оланпасьяслысь вежөртас, сюрөс, найөс олөмө пөртанног, оланпас пыртысь да олөмө пөртысь власьтлысь, меставывса асвескөдлөмлысь удж, найөс дорйө ёрд.

### **17 статья**

Оланпас да ёрд водзын ставөн өткодьөсь.

Канму сетө өткодь инөдьяс да вөля мортлы да гражданинлы, мужичөйлы көть нывбабалы, сылөн раса, войтырсикас, кыв, рөд, озырлун да чин, оланін, видзөдлас, енлы эскөм, өтйөза котырьясө пырөм, а сідзжө мукөдтор вылө видзөдтөг. Гражданалысь инөдьяссө некыдзи оз позь дзескөдны налөн социальнөй, расөвөй, войтырсикас торьялөм серти, кыв либө енлы эскөм серти.

Мужичөйлөн да нывбабалөн инөдьясыс да вөляыс, найөс збыльмөдан позянлуныс өткодьөсь.

### **18 статья**

Коми Республикаса Оланподулын медшөр инөдьяс да вөля лыддьөдлөмсө оз ков гөгөрвоны кыдзи мортлысь да гражданинлысь ставөн пыдди пуктана мукөд инөд да вөля дзескөдөм либө чинтөм.

Коми Республикаын оз позь лэдзны мортлысь да гражданинлысь инöдьяс да вöля дзескöдысь либö чинтысь оланпасьяс.

Мортлөн да гражданинлөн инöдьясыс да вöляыс вермöны лоны дзескöдöмаöсь федеральнöй оланпасөн и сöмын колана выйöдз, медым дорйыны оланподув тэчаслысь мыджöдьяс, мукöд йöзлысь мывкыдлунсö, дзоньвидзалунсö, инöдьяссö да оланпасөн сетöмасö, могмöдны канмулысь дорйысянлун да öпастöмлун.

### **19 статья**

Быд гражданин вермö ачыс тырвыйö збыльмöдны ассьыс инöдьяс да могьяс 18 арöссиянь.

### **20 статья**

Йöз муысь граждана, гражданствотöм йöз вöдитчöны инöдьясөн да збыльмöдöны ассьыныс могьяссö Коми Республикаын олысь Россия Федерацияса граждана моз жö, оланпасөн либö войтыркостса сёрнитчöмөн урчитöмаысь öтдор.

Комиссияөн веськöдлысь

В.П.Марков

Комиссияөн веськöдлысьöс вежысь

С.Г.Козулина

Кывкутысь секретар

Е.Г.Коснырева